



Nuuk, ulloq. 20. Juli 2020

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqqut imaattoq saqqummiuppara:

**Naalakkersuisunut apeqqut:**

- 1. Naalakkersuisut nunatsinni innuttaasut akitsuutinut, akiliutinullu naliginnaasunut unioqqutitsinermilu akiliisitsinermi akiliutigineqartartut Naalagaaffimmut nakkartartut annertussusaat tamakkiisumik ilisimasaqarfiginerpaat?**
- 2. Aningaasaqarnikkut allaffissornikkullu qanoq kinguneqassava? Naalakkersuisut pisussaaffilerneqassaluarpata Naalagaaffimmut saaffiginissuteqaqqullugit tassani qulakkeerniarlugu Naalagaaffimmi akitsuutinut Kalallit Nunaanni akiliisoqartanginnissaa, akiliinerit naliginnaasut kiisalu inatsisinik unioqqutitsinermi akiligassiisutaasartut akilerneqanginnissaat isumannaarniarlugit.**
- 3. Pisortanut Namminersortunut innuttaasunullu Aningaasaqarnikkut allaffissornikkullu qanoq kinguneqassava, pappiaqqanik nalilinnik naqissusiinermi akitsuut pillugu Inatsisartut inatsisaat nr. 8, 31. oktober 1987-imeersoq atorunnaarsinneqassa-galuarpat ?**

(Inatsisartuni ilaasortaq, Pele Broberg, partii naleraq)

**Tunggavilersuut:**

Kalaallit Nunaanni inuiaqatigiit aningaasaqarneranni innuttaasut pissarsinerusarnissaat qulakkeerniarlugu, pigaaruteqarpoq Naalagaaffiup pisariaqavinningitsumik naalagaaffimmut nakkartussanik aningaasaqarnikkut ajornerulersitsisunik aalajangersaasarnernik atuisannginnissaa. Soorlumi inuinnaat attaveqaqatigiittarfiisigut naammagitaaliuutaasimasoq sukkavallaartumik biilersimasunut politiit 6000 kr.-inik pillaatissiisimanerat.

Nammineq illutaarnissap aningaasqarnikkut pilerinartuunissaa annertusarniarlugu aamma pappiaqqanik nalilinnik naqissusiinermi akitsuut pillugu Inatsisartut inatsisaanni nr. 8, 31. oktober 1987-imeersumi § 9 -imi taakkartorneqartut atuuttitsiffiusussaangitsut namminersortunut paasiuminaalluinnarsinnaammata piffissanngorsorunarpoq misissussallugu pappiaqqanik nalilinnik naqissusiinermi akitsuutip atorunnaarsinneqarsinnaanera inuiaqatigiit aningaasaqarnerannut qanoq sunniuteqarsinnaanersoq.

Ullut sulliviit qulit qaangiutsinnagit akineqarnissara kissaatigaara.